

- \*1. ضلع رام بن مانہ بدل پھٹن غی وجہ نال آیا سیلابی ریلہ غی زد مانہ آغے 3 افراد ہلاک ہو گیا این جد کہ 100 تیں زیادہ افراد نانہ بچا لئو گئو ہے۔
- \*2. ضلع رام بن مانہ لگاتار با رشاں غا نتیجہ مانہ قومی شاہراہ ور آیا زمینی توداں تے کیچڑ غی وجہ نال ٹریفک بند کر دتی گئی ہے، جد کہ مغل روڈ ور پونچھ تیں شوپیاں در لوہکی گڈیاں نانہ جان غی اجازت دتی گئی ہے۔
- \*3. گذشتہ 2 تہاڑاں غے دوران ہونی لگاتار با رشاں غی وجہ نال دریائے چناب مانہ پانی غی سطح مانہ مسلسل باہدو ہووے ہے۔
- \*4. ضلع کٹھوعہ غا رسانہ گراں مانہ سلامتی دستاں نے تلاشی کاروانی شروع کی ہے جد کہ پونچھ غا لسانہ علاقہ مانہ چھپیا واہ دہشت گرداں غی تلاش اج 6 ویں روز وی جاری ہے۔
- \*5. تے آئندہ مہینے امریکہ مانہ ہون آلی سکویش عالمی چمپئن شپ واسطے بھارت غا ویر چوترانی تے انابت سنگھ نے کوالیفائی کر لئو ہے۔

\*\*\*\*\*

خبران غی تفصیل نال پہلاں باغ علی طاہر۔

### J&K Flash Flood

آج سویرے ضلع رام بن مانہ پہاری با رشاں غی وجہ نال آیا اک سیلابی ریلہ غی زد مانہ آغے 3 افراد ہلاک ہو گیا این۔ جد کہ 100 غے قریب افراد نانہ بچا لئو گئو ہے۔ آکاشوانی جموں غا نمائندہ نے جانکاری دیتاں واں دسیو ہے جے پوری رات ہونی بارش تے بدل پٹھن غا نتیجہ مانہ ضلع رام بن غا سیری باگنا علاقہ مانہ آج سویرے یہ 3 افراد سیلابی ریلہ غی زد مانہ آغے ہلاک ہو گیا این۔ سیلابی ریلہ غی زد مانہ آگے 40 رہا نشی مکاناں نانہ نقصان پُجیو ہے۔ جد کہ 100 تیں زیادہ افراد نانہ سیلاب تیں با حفاظت باہر کڈھ لئو گئو ہے۔ ان افراد نانہ پولیس اہلکاراں نے بچان مانہ مدد کی ہے۔ جہیڑا بدل پھٹن غی صورتحال مانہ آیا سیلابی ریلہ غی زد مانہ آگیا تھا۔ رام بن غا ڈپٹی کمشنر بصیر الحق نے جانکاری دیتاں واں دسیو ہے جے ضلع مانہ ہون آلی لگاتار با رشاں غا نتیجہ مانہ کئی منقولہ جانداں نانہ نقصان پُجیو ہے، جد کہ جموں سرینگر قومی شاہراہ ور چلن آلی کُجھ گڈیاں نانہ وی نقصان پُجن غی اطلاع موصول ہوئی این۔ اس بارے جانکاری دیتاں واں انہاں نے دسیو۔۔۔ بانٹ۔۔۔ اسے دوران مرکزی وزیر ڈاکٹر جتندر سنگھ غو اک سماجی میڈیا پوسٹ مانہ کہنو ہے جے لگاتار با رشاں مانہ متاثر ہون آلا افراد نانہ بر قسم غی رلیف مہیا کرائی جائے گی۔ ان غو کہنو تھو جے متعلقہ ڈپٹی کمشنر نانہ کہیو گئو ہے جے مزید امداد غی ضرورت غے پیش نظر یاہ امداد ممبر پارلیمنٹ غا ذاتی ذریعاں تیں وی مہیا کرائی جاسکے ان غو کہنو تھو جے اس سلسلہ مانہ جاری کی جان آلی صلاح تیں فکر مند ہون لوڑ نہیں ہے تے ہم سارا رل غے اس قدرتی آفت غو مقابلو کراں گا۔

## NHW Closed

ضلع رام بن مانہ ہونی لگاتار بارشاں غی وجہ نال ناشری تیں بانہال توڑی قومی شاہراہ غا کوئے درجن غے قریب مقامات ور آن آلا زمینی توداں تے کیچڑ غی وجہ نال قومی شاہراہ ور گڈیاں غی آؤ جائی بند کر دتی گئی ہے۔ شاہراہ ور آیا سیلابی ریلان غی زد مانہ آغے کئی گڈیاں رُڑ گئی ہیں۔ قومی شاہراہ نانہ بحال کرن غو کم جا ری البتہ خراب موسم غی وجہ نال شاہراہ غی بحالی مانہ رکاوٹ آرہی ہے۔ لوکان نانہ مشورو دتو گئیو ہے جے وے خراب موسم غے پیش نظر خریدار رہیں تے دتا گیا مشوراں ور عمل کریں۔ ضلع کنٹرول رام غا نمبرات 01998295500 تے 01998266790 ور کسے وی ہنگامی صورتحال غے پیش نظر رابطو کیو جا سکے۔ یہ نمبرات 24 گھنٹہ دستیاب رہیں گا۔ اس بارے مزید جانکاری دیتاں واں رام بن غا ایس ایس پی کلیر سنگھ نے دسیو۔۔ بانٹ۔ اسے دوران جموں ڈویزن غا ضلع پونچھ تے راجو ری نانہ وادی کشمیر غا ضلع شوپیان سنگ جوڑن آلی مغل روڈ نانہ ٹریفک واسطے فر تیں کھول دتو گئیو ہے۔ آکاشوانی جموں غا نمائندہ نے جانکاری دیتاں واں دسیو ہے جے یاہ سڑک اک روز بند رکھیا جان غے بعد لوہکی گڈیاں نانہ چھڑی پونچھ تیں شوپیان در جان غی اجازت دتی گئی ہے۔ ان گڈیاں نانہ بہرام گلہ بفلایز تیں پیشی 3 بجا توڑی بی گزرن غی اجازت ویگی۔

\*\*\*\*\*

## Chenab Level Rising

گذشتہ 2 تہاڑاں غے دوران ہونی بارشاں سنگ دریا نے چناب مانہ پانی غی سطح لگاتار بدھ رہی ہے۔ پانی غی سطح مانہ ہوا بابدا غے پیش نظر ضلع انتظامیہ ریاسی نے دریا نے چناب غے کنڈے رہن آلا لوکان نانہ چونکا رہن غی ہدایت جاری کیں ہیں۔ تے اج چناب دریا مانہ رافٹنگ سرگرمیوں وی معطل رکھی گئی ہیں۔ ضلع انتظامیہ، دوجا متعلقہ محکمان غا اشتراک نال حالات ور نیڑا تیں نظر رکھیا واہ ہیں، تانجے کسے وی ماڑی واردات تیں بچو جا سکے۔ دریا غے کنڈے رہن آلا لوکان نانہ خصوصی طور ور ہدایت جاری کی گئی ہیں جے وے دریا غے کنارے نہ جائیں تے حکام غی طرفوں جاری کی گئی ہدائیاں ور عمل کریں۔ کسے وی ہنگامی صورتحال مانہ مدد واسطے لوکان نانہ ضلع کنٹرول روم نال رابطو کرن واسطے وی کہیو گئیو ہے۔ دریائے چناب غی تازہ صورتحال غی جانکاری دیتاں واں پولیس اہلکار نے اس راہ دسیو۔۔ بانٹ۔۔

\*\*\*\*\*

## Kishtwar Rainfall

پہاری بارشاں غے دوران پسی پین غی وجہ نال کشتواڑ پاڈر سڑک گڈیاں غی آؤ جائی واسطے بند ہو گئی ہے۔ سڑک بند بوجان غی وجہ نال مچیل ماتا مندر جان آلا یا تریاں نانہ کافی دقت در پیش ہیں۔ ضلع غا پتھر نکئی غا مقام ور کشتواڑ پاڈر سڑک غو بڑو حصو لاس پسی غی وجہ نال کھسک گئیو ہے تے اس نال پاڈر سب ڈویزن غو ضلع غا دوجا حصا نالو سڑک رابطو منقطع ہو گئیو ہے۔ پتھر نکئی علاقہ مانہ اس قدرتی تباہی نال تقریباً 22 کنہ متاثر ہوا ہیں۔ متاثرہ کُنباں نانہ ضلع انتظامیہ نے محفوظ جگہاں ور منتقل کر غے تمبو تے دوجی ضروری اشیاء مہیا کی ہیں۔ اس بارے پیش بے مہارا ضلع نمائندہ کیلاش ناتھ غی یاہ رپورٹ۔۔

## Samba Accident

سانہ اج سویرے اک سڑک حادثہ مانہ 2 افراد ہلاک تے اک شخص زخمی ہوگیو ہے۔ سانہ مانہ مہیشور غے نزدیک اج سویرے تقریباً ساڈھا 7 بجے جموں پٹھانکوٹ قومی شاہراہ ور کھلا اک ٹریلر ٹرک نال کار جا ٹکرائی۔ اک حادثہ غے فوراً بعد سانہ پولیس جا ئے حادثہ ور پُجی تے زخمیاں نانہ ضلع ہسپتال سانہ منتقل کیو، جت ڈاکٹراں نے دو زخمی افراد غا ہلاک ہون غی تصدیق کی ہے۔ ان افراد غی اجوں شناخت نہیں ہو پائی ہے، تے اس سلسلہ مانہ تفتیش جاری ہے۔

\*\*\*\*\*

مزید خبراں نال عبدالمجید۔ ور اُس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس تیں یہ (خبر مہاری مو بائل ایپ تے ڈی ٹی ایچ ور وی دستیاب ہیں

## Search Op Kathua

ضلع کٹھوعہ غا ہیرا نگر سیکٹر غا گراں رسانہ مانہ اج سویرے سلامتی دستاں نے تلاشی کارروائی شروع۔ جموں غا آکاشوانی نامہ نگار نے خبر دتی ہے جے علاقہ مانہ مشکوک نقل و حرکت بارے خصوصی خفیہ اطلاع غے بعد حفاظتی دستاں نے یاہ تلاشی کارروائی عمل مانہ آئی ہے تے سلامتی دستاں نے سویرے تیں ہی گراں نانہ گھیرا مانہ لے غے تلاشی شروع کی وی ہے۔ آخری خبر آن توڑی یاہ کارروائی جاری تھی تے مزید تفصیل غی اجوں اڑیک ہے۔

\*\*\*\*\*

## Search Op Poonch

اواں ضلع پونچھ مانہ سرنکوٹ گا لسانہ علاقہ مانہ فوج تے جموں کشمیر پولیس غی طرفوں اک سانجھی تلاشی کارروائی اج 6 ویں روز وی جاری ہے۔ یاہ کارروائی لسانہ علاقہ مانہ فوج غا قافلہ ور ہوا اک دہشت گردانہ حملہ تیں بعد شروع کی گئی ہے۔ تقریباً 20 مربع کلو میٹر ور محیط جس مانہ شاہ ستار، گرسائی، سنائی لسانہ تے شیس دارا ٹاپ شامل این مانہ حفاظتی دستاں حملہ آواراں غی تلاش غی خاطر ڈراؤن، کھوجی کتاں تے سی سی ٹی وی فوٹیج غو استعمال کر رہیا این۔ شکاگو مانہ عالمی چمپئن شپ 9 منی تیں 17 منی غے بشکار وے گی۔

\*\*\*\*\*

## Service Providers Amarnath

شری امرناتھ جی یا ترہ 2025 واسطے خدمات مہیا کران واسطے اندراج غو سلسلو لیبر محکمہ نے شروع کر دتو ہے۔ اندراج غا سلسلہ مانہ سہولت واسطے جموں غا ڈوگرہ حال، لیبر سرائے، اسسٹنٹ لیبر کمشنر غا دفتر مانہ اک ہیلپ ڈیسک کم رجیسٹریشن کونٹر قابل کار ہے۔ اسسٹنٹ لیبر کمشنر روپالی جسروٹیہ نے تمام گھوڑاں آلاں، پالکی آلاں، پٹھواں تے دوجا لوکاں نانہ اپنو اندراج تولاں تیں تولاں کران غی اپیل کی ہے۔ اندراج غو یوہ سلسلو بالکل مفت ہے تے اس واسطے

شناخت غی تصدیق غی لوڑ ہے۔ سالانہ یاترا غے دوران بہتر تال میل نانہہ یقینی بنان تے کسے  
بے آرامی تیں بچن واسطے عیلے سر اندراج کران ور زور دتو جا رہیو ہے۔

\*\*\*\*\*

### IPL Cricket

آئی پی ایل مانہہ ممبئی انڈینس تے چنی سپر کینگس بشکار اچ شام ساڈھے 7 بجے وانکھڈے  
سٹیڈیم ممبئی مانہہ ٹی توانٹی کرکٹ مقابلو کھیڈیو جا ئے گو۔ چنی سپر کینگس نے اجوں توڑی  
7 مقابلہ کھیڈیا این تے صرف 2 مقابلہ جتیا این۔ تے اس لیگ مانہہ قائم رہن واسطے انہاں نانہہ  
بقایا 7 مقابلوں وچوں 6 مقابلہ جتنا وین گا۔ ممبئی انڈینس ٹیم غی بہتر درجہ بندی نہیں ہے تے  
انہاں نے صرف 3 مقابلہ اجوں توڑی جتیا واپیں۔

\*\*\*\*\*

### Squash World C' ship

اسکوائش مانہہ بھارت غا ویر چوترانی تے انابت سنگھ نے اگلے مہینے شکاگو امریکہ مانہہ ہون  
آلی 2025 غی عالمی چمپئن شپ واسطے کوالیفائی کر لیو ہے۔ ویر نے ملیشیا مانہہ منعقدہ  
مردان غا آخری فیصلہ کن مقابلہ مانہہ امیشن راج چندرن غے خلاف غالب آگے ایشیا کوالی  
فنانگ ایونٹ جیت لیو ہے۔ اواں 17 بہراں غی انابت نے اچ بعد دوپہر خواتین غا سنگل ٹائٹل  
مقابلہ مانہہ ہانگ کانگ غی توبے تے نانہہ 1/3 نال شکست دتی ہے۔ ویر کی جیت نال ہون کل  
4 بھارتی کھلاڑی مردان غا سنگلز زمرہ مانہہ مقابلہ کھیڈیں گا۔

\*\*\*\*\*